



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De Gerhardo nouitio in Alna, qui per Alleluia, in somnis audito, à
tentatione sua libertaus est, cap. 54

urn:nbn:de:hbz:466:1-13177

210 . DE TENTATIONE

senti spinosa est, per rigorem ordinis, inæqualis per multimodam tentationem, luctosa per humilitatem subiectionis, angusta per raritatem voluntarie pauperatis:

Matt. 7. Angusta porta & arcta via est, quæ dicit ad vitam, quæ per dexteram designata est. Campus vero longus & amœnus paradisus est, quam per multas tribulationes oportet nos introire. E contra, vita se-

Act. 14. cularis atque carnalis, quā sinistra designat, eo quod ad sinistrā Christi in se gradientes ducat cum hēdīs iudicandos, in præsenti commoda est, ob carnis necessaria, plana propter prospera, sicca propter inobedientiam, lata & bene trita, eo quod multi ambulent per eam, deliciosa propter concupiscentiam oculorū.

Psal. 54. In hunc modum visum interpretans, à tentatione apostasiæ liberatus est, atque a pusilla nimitate spiritus & tempestate. *APOLLONIUS:* Satis est mirabile, quod Deus tam efficaciter spiritum instruit hominis dormientis. *CÆSARIUS:* Recordor nunc cuiusdam nouitij vigilando quidem satis tentati, & per visum nocturnum, non minori virtute, ab eadem tentatione liberati.

C A P V T L I I I .

ALNA domus est ordinis nostri in Flandria sita; cuius mentionem feci in distinctione prima, cap. 6. in hac ante non multos annos miles quidam nobilis, Gerardus nomine, de Castro Tuino oriundus, conuersus est; cumque nouitius in choro nouitorum staret, & clamores monachorum in choro superiori super caput suum cantantium frequenter exciperet, tentari coepit. Amplius tamen caput eius turbabatur, quotiens Alleluia catabatur, in illo maxime voces exaltari solent; & factus ex hoc pusillanimis, accessit ad Priorem, & ait: Domine Prior, caput meū doleo, nec diutius tantū clamorem super caput meū tolerare potero. Cui Prior verba quedā consolationis impendit, sed parū illi profuit. Nocte quadam, cum maxime de hoc nouitius tentaretur, vidi se in somnis à quibusdā militibus, aliquādo intimicis suis, vadique vallatum, nec aliquod refugij superesse sub-

sidiū;

fidium: cumque putaret se celerius esse capiendum, vel interficiendum, clamauit ad Dominum, dicens: Domine libera me in hac hora: & circuspiciens, mox vidi exercitum candidatorum de longe venientem, sibiq[ue] in auxilium properantem: signifer autem, qui præcedebat, pro signo militari Alleluia finaliter clamauit, crebro id repetens, qua vociferatione hostes territi & dispersi, fugâ inierunt; notitium solum relinquentes. Qui ex parte factus, non solum gauisus est se fuisse liberatum ab eis, qui eum circundederat in nocturna visione; sed, quod magis eum angebat, prædicta videlicet tentatione. Mane accedens ad Priorem, dixit ei satis hilariter: Rogo vos domine Prior, ut adhuc altius & fortius cantetis Alleluia super caput meum, non me amodò turbabit clamor diuinæ laudis: & recitauit ei visionem per ordinem. Ista nobis retulit sancta recordationis Walterus de Birbach, qui etundé Gerardum vidit & agnouit. APOLLONIVS: Puto etiam nonnullos monachos de apostasia tentari. CÆSARIUS: Multi de ea tentantur, & viriliter reluctantur: alij tentantur, & tam voluntate quam opere prorsus superantur: quidam vero tentantur, & concepta voluntate, diuinis revelationibus, siue ordinatione, ante casum reuocantur: nonnulli vero flagellis cohibentur. APOLLONIVS: De his mihi dicas exempla. CÆSARIUS: De primis & secundis, quia tentatio eorum satis est visitata, non est necesse tibi dicere exempla. De nouissimis vero tibi dicam quod audii.

CAPVT LV.

Monachus quidam de Ottirburg, teste domino Philippo Abate eius, qui hæc retulit, *De Apostasiā tentationes incurrit, ut redire proponeret ad seculum. Nocte quadam, cùm staret in choro, & mente tractaret, quādo vel quomodo de monasterio exiret, præ tedium cantare non potuit. In laudibus vero, dum canticum sancti Abacuc psallerent, eo quod esset feria sexta, iam dictus Abbas ad excitandum fratres circumiuit; qui cùm venisset ad monachum illum aquuantem, & non cantaret, putans eum dormire,*